



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Militia Sacra || Ducvm Et Principvm || Brabantiaë,||**

**Molanus, Johannes**

**Antverpiae, [1592]**

De sacra militia Venceslai Ducis. Cap. LXVI.

**urn:nbn:de:hbz:466:1-38114**

bantis in ea militia inter ceteros inclaruit  
 Wilhelmus de Rode, patritius Louaniensis.  
 Huic militia vacare non potuit Ioannes III.  
 Princeps simplex, modestus, & iustus, quia  
 bellum contra eum susceperant Ioannes Boë-  
 miæ Rex, filia Brabantia matre genitus, &  
 Ludouicus Comes Flãdriæ, Ducatus partem  
 postulantes: quibus se multi Principes socios  
 adiunxerant. Cõtra quos limites sui Ducatus  
 magno animo & prosperitate defendit. Obijt  
 Furæ ∞ .ccc. l.v. die VII. Decembris.

*De sacra militia VENCESLAI Ducis.*

C A P. L X V I.

*xv. Lotha-  
 ringia &  
 Brabantie  
 Dux Ioanna  
 nupta Vuen-  
 ceslao.*

**P**ER Ioannam filiam Ioannis tertij Duca-  
 tum obtinuit eius maritus Wenceslaus  
 Bohemus, Dux Lutcebùrgensis, filius Ioannis  
 Regis Bohemię, frater Caroli IV. Imperatoris.  
 Hic multa gessit bella: sed hoc loco sacra  
 dumtaxat attingimus, quorum vnum fuit  
 contra sectam *Iaques Bon-homme*; Alterum  
 contra raptores Ultramofanos. De priore scri-  
 bunt Gaguinus lib. IX. Massæus lib. XVII. &  
 Tritthemius in Chronico Hirsaugiæ ad an-  
 num CIO. CCC. LXII. cuius hæc est narratio:  
 Exorta est in Sabaudia & Gallijs pessima so-  
 cietas hominum plus quàm centum milium,  
 qui venundati erant vt facerent malum, erat-  
 que eis propositum, nobilitatem omnem  
 exterminare. Inter Ligerim igitur & Sequa-  
 nam omnia vastabant, vt nullus in villis &  
 agris

agris remanere auderet. Constituerant autem supra se Regem hominem pessimum, quem Iacobum bonum hominem vocabant. Incendijs, cædibus, rapinis omnia implebant: matronis passim pudorem eripiebant: quin & militem quendam, vidente domina vxore eius ac liberis, in veru velut anserem aut caponem affauerunt, volentes vxorem & liberos de tam execrabili assatura manducare: nec mora, nolentem cum liberis occiderunt. Veruntamen Deo miserante quàm maximus eorum numerus extinctus est apud Meldas in Bria. Rex autem Nauarræ nefandas eorum copias prostrauit, ac Regem ipsorum *Iaques Bon-homme* cepit. Qui primum excoriatus, deinde suspensus est. Reliqua eorum multitudo versus Teutonium perrexit, vbi etiam restitum eis fuit. Nam Wenceslaus Dux cum sua militia, Dux Barrensis, Dux Lotharingæ, ac alij plures nobiles, eorum furori se obiecerunt, & prælio commisso eos vicerunt, ac in nihilum omnes conatus eorum redegerunt.

Eodem hoc Duce in Brabantia commorante, crebræ ad eum ac frequentes delatæ sunt querelæ, quòd in castro Hermersbach sese continerent equites, qui mercatores Brabantia aliarumque prouinciarum inhumaniter spoliabant, ac malè tractabant, & vias publicas bonis hominibus, ne cum mercibus trāsire possent, intercludebant. Quamobrem videns Dux se saluo timore Dei non posse

posse hæc dissimulare, congregauit electam multitudinem belligeratorum, & summa vsus celeritate eò profectus est. Pertinebat autem locus ad Furstadum de Merode, qui adhuc pueritiæ annos agebat: eius tutores tales hospites illic receptabant. Dux itaque obsessum castrum crebris oppugnationibus per vim cepit, & Diaboli nidum vsque ad solum destrui fecit, & reuersus est in terram suam cum pace. hæc Chronicon Brabantia. Dn. Thimo paullo pleniùs scribit, eum Henersbach, & Stelenborch, & alia raptorum castra vltra Mosam destruxisse.

*De sacra militia IOANNIS contra Turcas, qui fratri suo Antonio Ducatum cecit.*

*Antonius,  
XII. Lotha-  
ringia &  
Brabantie  
Dux.  
& al. Baia-  
retum.*

## C A P. LXVII.

**C**V M Sigismundo Hungariæ Regi necesse fuit bellum parare contra \* Pazaitem Turcarum Imperatorem, habuit voluntarios belli socios ex Gallia Angliaque non paucos, illustri loco natos. Tum Philippus Audax, qui Carolo VI. Rege phrenetico instar Regis erat, Gallijs præfecit filium suum Ioannem, iuuenem annorum circiter xxv. præclaræ indolis, & omni nobilitati gratissimum.

Ceterùm dum ad Nicopolim Galli primam aciem sibi expetunt auidiùs, inchoata pugna priusquam omnis acies explicaretur, turpiter succubuerunt, quanquam plures ex barbaris quàm ex nostris ea pugna ceciderint,